



# सानसेयारि बड'सा

सानसेयारि **“बड'सा”** खरीरालाइयाव समाज्यानि जिउजो लोब्बा थानाय रायथाय, खन्थाय, खल', खल'बाथा आबो दावबायादि थावनि, पार्क बाइदिनि सायाव लिबनाय लिबिबो दैथाय डर/ सानसेयारि **“बड'सा”** खरीरालाइया खेबखानावै फोखावगोन।

बड'सायाव लिबठरनायनि हुबा खालाम, **“बड'सा”** खरी नोथो, जो बयबो आंगो खालाम।

सानसेयारि बड'सा मावखुलि

माइबं नोगोर, जोहोलाव देमालु लामा

कक्राझार, बिटिसि-783370

Website: [www.bodosanewspaper.com](http://www.bodosanewspaper.com)

BODOSA ★ A Bodo News Daily ★ Sunday ★ 24 August, 2025 Kokrajhar, BTC, Assam ★ Vol.-35, Issue No.150 ★ R.N.I.Regd.No.40994/91, Assam Govt.Regd.No.IPRD.40/2006/3, Rs.8/-

## SWAMI VIVEKANAND UNIVERSITY

A State Private University established under Section 2(f) of the UGC Act, 1956, vide Notification No. LGL.25/2025/11 by the Government of Assam

100%  
PLACEMENT  
ASSISTANCE



**SWAMI  
VIVEKANAND  
UNIVERSITY**

AWAKEN, EDUCATE, TRANSFORM

**WALK-IN FOR APTITUDE  
TEST & ADMISSION AT THE  
CAMPUS BETWEEN 9:30 AM  
AND 5:00 PM**

# ADMISSIONS OPEN FOR 2025-26

### COURSES WE OFFER

#### AVIATION, HOTEL & HOSPITALITY MANAGEMENT

- DIPLOMA IN AVIATION & HOSPITALITY MANAGEMENT
- ADVANCE DIPLOMA IN AVIATION & HOSPITALITY
- BACHELOR IN HOTEL MANAGEMENT
- B.SC. HOSPITALITY & HOTEL ADMINISTRATION
- BBA IN AVIATION MANAGEMENT
- MBA (HOSPITALITY MANAGEMENT)

#### HUMANITIES

- B.A. , M.A. (ENGLISH)
- B.A. , M.A. (POLITICAL SCIENCE)
- B.A. , M.A. (SOCIOLOGY)
- B.A. , M.A. (HISTORY)
- B.A. , M.A. (ECONOMICS)
- B.A. , M.A. (PSYCHOLOGY)
- B.A. , M.A. (EDUCATION)
- BLIS , MLIS
- B.A. , M.A. (PUBLIC ADMINISTRATION)
- B.A. IN MASS COMMUNICATION

#### SCIENCE

- B.SC. , M.SC. (PHYSICS)
- B.SC. , M.SC. (CHEMISTRY)
- B.SC. , M.SC. (MATHEMATICS)
- B.SC. , M.SC. (ENVIRONMENTAL STUDIES)
- B.SC. , M.SC. (BOTANY)
- B.SC. , M.SC. (ZOOLOGY)

#### COMPUTER SCIENCE & IT

- B.SC. , M.SC. (COMPUTER SCIENCE)
- BCA (BACHELOR OF COMPUTER APPLICATIONS)
- MCA (MASTER OF COMPUTER APPLICATIONS)

#### COMMERCE & MANAGEMENT

- B. COM, M.COM
- BBA (ALL STREAM)
- MBA (ALL STREAM)
- BBA, MBA (HOSPITAL MANAGEMENT)

### CONTACT US

6900674071 | 6900608541

INFO@SVU.ORG.IN |  
SVUASSAM@GMAIL.COM

SVU.ORG.IN

IT PARK, CHANDAMARI,  
KOKRAJHAR, BTR, ASSAM 783370

## EARLY BIRD (30) SCHOLARSHIP

30%

सुजुगिरिनि खोलोम

औवा आरो बर'फोर

बर'याव फंसे राव दड- उन्दैयाव सि गानो, देरोब्ला लंथं जायो- । औवा । बर'नि जिउ खुंनायाव एंगारजायै मुवानि गेजेराव औवानि बिहोमाया बयनिबो गोजौसिनाव । बेखायनो बुंनोबो हागौ बर'फोरनाव औवानि हारिमुवा एग्रे- बेग्रे । बाथौ थानसालि दुमनायनिफ्राय लानानै ओंखि जानाय मेवाइ, न'बां लुनाय जेरावबो औवा नडब्लानो राहा गैया, औवा गैयाब्लानो बर'नि राइजो जानांगौया आस'खान्दा ।

ना सानो सेन, खखा, थर्खा, सेन्द्राय, जेखाइ, खबाइ, बोरसि दान्दा; मैहुरनि थाखाय जं-बौला, सिबनो-सालिनो थाखाय संग्राइ, सान्दांगा, सान्द्रि, लामनाय-बिरनाय-बान्नायनि थाखाय दाहा, हुखेन, बावखा, बाथि, हासिनि, संनाय-एरनाय खुरन्नायनि थाखाय बन, खादौ, सागं, दानाय-लुनायनि सोरखि, दाडनाथा, बौदांगि, गनसि, सेवारि, खादिनि, खुन्थिया, रासो, न'बां लुनायनि खुन्थिया, फेराइ, थेवयोल, खाथिमाल, रोजाबनाय मोसानायनि थाखाय हाखाउ, सिफुं, बिडि जेरावबो जैरैबो औवानि गोनांथि दं बर'नि राइजो जानायाव । बेनि अनगायैबो नाफाम हासुं, नो हासुं, लावथि, दान्दा, थखन, लोरगि, जान्था, लावथाय, खादा, आबै दांगि, जेवरा, जांख्ला, मै-जुंगाल-दांगुर, बैसां जेरावबो औवानि गोनां जायो ।

गथ' जोनोमनि उनाव उथुमाय हास'नाय खाथिनिफ्राय गोथै बानगारनाय समसिम औवा नडब्लानो बर'नि हारिमुया आबुं महर नुजाया ।

औवानि बेफोर गुन आरो गोनांथिखौ नाइनानै आथिकालाव औवानि आबाद खालामनो जोथोन लानांसिगौ । औवानि बेसेन बारायग्लाबनो लानायाव बारिनि औवा सुबाखौ दानगलुंनानै लांदां खालामनो लानायाव जौनि ओन्सोलनि गामिफ्रा औवा बारिजों ग्रोम ग्रोममोनब्लाबो आंखाल नुजाहांबाय । बेखायनो औवानि गोनांथिया बर' हारिमुयाव गोनांथार नोजोरै आरो फालांगियारि बिथिडै औवानि आबाद खालामनाय आरो थाखानाय बारिखौ जोथोन लानांगौनि सम सौफैबाय । दासान्दि जौगा जोलैनि औवा जोलै लाबोनानै सरकार बिथिनिफ्राय औवा बागान खालामनायनि थुलुंगाबो होदों औवानि गोनांथिखौ नायनानै ।

बेराफासै इयुन जोलैनो बर'नि औवा हारिमु आरो राइजो जानायनि आदोब आखुनि रेसखौ गालांनो बर'साफोर बाहायग्रा औवानि आइजें-आइला हेबनाय-दान्नायनि ट्रेडिं सेन्टार गायसन्नायनि गोनांथि दंसे ।

दिनैनि फान्जामुथि

राशि बाइदियै मुंनि गिबि हांखो

मेषः अ ल बृषः ऊ ब (उ ए इ) मिथुनः क छ (ड घ) कर्कटः ड ह सिंहः म ट कन्याः प ट (ण ष) तुलाः त र बृश्चिकः ब न धनुः ध भ (ढ़ फ) मकरः ख ज कुम्भः ग श (स) मीनः द च (ख ञ झ)

मेघः जेखि खामानि मावा फालांगिआव रंखावरि मुलाम्फा जागोन । दिनैनि सानआ मोजौ ।

बृषः माबाफोर सान्नाय-हनाय जाफुंनो हागौ । रंजा-बाजा खालामनो हागोन । गोजोन मोनगोन ।

मिथुनः सोरखोंबाफोर लोगो हमहैनो गोनां दडबा जाफुंगोन । गोसोखौ गोजोन मोनगोन ।

कर्कटः बायदिसिना रोखोमनि हेंथा मोन्नो हागौ । सान्नाया जाफुंनाय नड । गोसोखौ हमथा ।

सिंहः जैरेबो लोगोफोरा बांलांगोन । लोगोनि हेफाजाब मोनगोन । मोजौ सान ।

कन्याः माबा मोनसे खहाफोर जानो हागौ । गोसोखौ शान्ति मोन्नाय नड ।

तुलाः नख'शव माबाफोर जेंना नुजानो हागौ । गोजोन्नाय गैथैजों सम बाख्हांगोन ।

बृश्चिकः लोगोनि सोमोन्दो खानाया गोरा जागोन । हेफाजाब मोन्नो हागोन ।

धनुः माबाफोर जेंनायाव गोल्लैबायनो हागौ । गोसो हमथानानै सोलिनांगोन ।

मकरः जेखि मावा मुलाम्फा खालामनो हागोन । फाफ्रोमर्थिबो मोजौ । गोजोन मोनगोन ।

कुम्भः मावबाय थानाय खामानियाव मुलाम्फा आरजिनो हागोन । खामानिया जौगानाय फैगोन ।

मीनः देहायाव जालु-जाला जानाया जोबनाय नड । देहाया साबस्त्रानाय नड । सांग्रां जानांगोन ।

भारत आरो फ्रान्सआ जयै हादतआरि स्टील दावहारु उरां जाहाजनि इन्जिन बानायगोन

गोदान दिल्ली, 23 आगस्टः आमेरिकानि हादतआरि डनाल्ड ट्रम्पआ भारतनि सायाव गोबां टेरिफ जाबसिन्नो फोसावयो । ट्रम्पनि बे थांखिनि उनाव भारत आरो आमेरिकानि सोमोन्दोफोराव जेंनाखौ नुनो मोनगासिनो दड । बेनि गेजेरजों आमेरिकाआ मोनसे गिदिर सोमो नांनो गोनां जाना दड । अदेबानि भारतआ आथिखालाव फ्रान्सजों लोगोसे गोरोबलायनानै गोहो गोरा हादतआरि 5थि जोलैनि स्टीलथ जेट इन्जिन बानायनो बिथांखिनि सायाव खामानि मावगासिनो दड । भारत सरकारनि थांखिनि उनाव दरनै

हादतफोरनि गेजेराव सोलोखान्थियारि शेयारखौ गोखों जानायनि सेन्देह दड । खौरांनि बायदिब्ला, फैगौ माखासे समाव डिआरडिअआ

बे प्रजेक्टखौ केबिनेट कमिटि अन सिकिउरिटिनिफ्राय गनायथिनि थाखाय दैथायहरनाय जागोन । टिअआइनि मोनसे रिपर्टआव दाबि दैखाडोदि, फ्रान्सनि

कम्पानीआ रादायनि गेजेरजों 100 जौखोन्दो टेक्नल'जिखौ ट्रान्सफार खालामगोन. अदेबानि दरनै हादतआ

लोगोसेयै भारतआव 120 किलन्युचननि थ्रस्ट थानाय इन्जिन बानायगोन । डिआरडिअआ साफरान कम्पानी थांखिखौबो गनायथि होयो । बे कम्पानीआ बेनि सिगांबो भारतआव हेलिकप्टर बानायदों । बेराफासै डिआरडिअआ बेनि सोमोन्दै बुडोदि, साफरान कम्पानीआ 5थि जेनेरेशननि दावहारु उरां जाहाज एएमसिएनि थाखाय मोनसे मोजौ अफ्फान । बेनि प्रजेक्टनि गेजेरजोंनो डिआरडिअनि लेब गेस टरबाइन रिचार्सखौबो सोफानाय जागोन, जायनि खरसाया 7 आरब डलारनि खाथियाव जानो हागौ ।

मख'नो गोनांदि, रैखाथि मन्थि राजनाथ सिंआ बे प्रजेक्टखौ गनायथि होयो । बिथाड बुडोदि, भारतआ फाइटर जेट बानायनाय बिथिहाव आगानसे बारायबावबाय । बावैसो सिगांनो अखांमा सान्थिनि फारसेनिफ्राय उरां जाहाजफोरनि आंखालखौ लानानै रैखाथि बिफाननो गांसे लाइजाम लिरहरदोंमोन । लाइजामनि बायदिब्ला, फैगौ माखासे बोसोरोफोराव माखासे उरां जाहाजफोरा रिटयार जासिगोन । बे थासारियाव गुबुन गुबुन उरां जाहाजफोरखौ बिसोरनि जायगायाव सोनायनि गोनांथि दड ।

राजभवननि दरजनिफ्राय गोसो बायनानै थांफिन्नाडो । जाभेद आहमद खारि जिल्ला बडगामनि दावबायारि जायगा युसमर्गआव दावबायारिफोरखौ गावनि गरायाव दिखांनानै गावनि न'खरखौ खाडोमोन । मख'नो गोनांदि, युसमर्गआव गासै सा 1500 गराय सालायगिरिफोरा दड आरो दासान्दि, बिसोर गासैबो उखैहाबनायनि थासारियाव दह । जाभेद अहमदआ जों 3 दाननिफ्रायनो बेकारे दडहोन्ना बुडै । बिसोरनि थाखाय गावसोरनि रुटियाथ' गोजाननि बाथ्रा गावसोरनि गरायफोरनि थाखाय आदार बुथुमनायाबो जेंना गोनां जाना फैदों होन्ना जाभेदआ फोरमायो ।

श्रीनगर, 23 आगस्टः अहमद खारिआ थांनाय शुक्रबारकालि बेलासियाव गावनि बेमारि गरायखौ लानानै राजभवनसिम सौहैयो । बियो राजभवनआव लेडाइ राइज्यो बेंगिरि मनज सिन्हाजों लोगो हमनानै बिनो गावनि थासारिखौ फोरमायनो हास्थायदोंमोन । नाथाय लेडाइ राइज्यो बेंगिरि मनज सिन्हाआ बेयाव गैयामोन । बेबादियाव बियो

सुप्रिम कर्टआ डग लाभारफोरनो गोखों बिथोन होदों

गोदान दिल्ली, 23 आगस्टः सुप्रिम कर्टआ लामानि सैमाफोरखौ हमनानै डग शेल्टरआव लाखिनाय गावनि थांनाय 11 आगस्टनि बिथोनआव थांनाय शुक्रबार खालि सोदांन होयो । सोदांनय बिथोनआव सुप्रिम कर्टआ बुडोदि, लामानि सैमाफोरखौ हमनानै बिसोरखौ टिका थुनायनि उनाव बिसोरखौ हगारना होनाय जागोन । नाथाय बेजों लोगोसे कर्टआ रोखा खालामोदि, रंजिज इन्फेक्सनआ सैमाफोरखौ हमनायनि उनाव हगारनाय जानाय नड आरो बिसोरखौ डग शेल्टरआवबो आलादायै लाखिनाय जागोन । सुप्रिम कर्टआ बिथोन

होबावयोदि, नोगोरि आपादआ थाबैनो मोनफ्रोम वार्डआव लामानि सैमाफोरनो आदार होनो थाखाय मोनसे रोखा फिडि प्वाइन्ट बानायनाय जागोन । रवबो आफाद एबा सुबुंफोय जायखि-जाया थासारियाव सैमाफोरनो लामायाव आदार जाहोनो मोन्नाय नड आरो जाय सुबुंखौ बे बिथोनखौ सिफायनाय मोनगोन,

बिसोरनि हेंथायै आयेनआरि हाबाफारि लानाय जागोन । कर्टनि बे बिथोना हादतनाडै समानै सोलिगोन । सुप्रिम कर्टआ बे केसनि बेंखनखौ बांहोनानै गासै राइज्योफोर आरो मिरुजों खुंजानाय राइज्योफोरनो बिथोन फोसावयो । फैगौ 8 सप्ताहआव बेनि रिपर्ट थिसन्नाय जागोन आरो बे केसनि सायाव हियारि खालामगोन ।

पाकिस्ताननि नेभिफोरा बलुचिस्तानआव मिसाइल आन्जाद नायदों

सुबुंथियारि आफादआ बुडोदि, बे जाथाया मोनसे गुवार पेटार्नखौ दिन्थियो, जेराव बलुचिस्तानखो खनले-खनले पाकिस्ताननि मिसाइल हाबाफारिखौ आन्जाद नायग्रा जायगा महरै बाहायगासिनो दड । बेबादिनो मिसाइल आन्जाद नायनाया जौनि जिउ आरो सम्पतिनि थाखाय अलखद गोनां । आफादआ बुडोदि, सुबुंथियारि गामिफोर आरो खाति-खालानि ओन्सोलफोराव मिसाइलनि बायखोन्दो शुखाफोर गोल्लैनाया मोनसे जिंगा सिथावना आयदा । पाकिस्तानआ पाकिस्ताननि बे नायबिजिरनायफोरखौ इमारजेन्सि हारिमायारि नायबिजिरनो दाबि दैखाडो ।

# राइज्यो सरकारआ जैबायदि खोथा होयो बेखौनो मावफुडो: गिबि मन्थि जागिरडनि सा 37,713 गावसुंथा हान्जानि सोद्रोमाफोरनो 10 रोजा रांनि सेक रन्दों

दिसपुर, 23 आगस्ट: गिबि मन्थि उ हिमन्त बिश्व शर्माआ दिने गिबि मन्थि आइजो सोरजिलु बिथांखिनि सिडाव मरिगाव जिल्लानि जागिरड बिधान सभा बियाबनि गावसुंथा हान्जानि सोद्रोमाफोरनो 10 रोजा राडै सेक रान्नानै हरनायखौ बेखेवनानै होनायजों लोगोसेनो जागिरडनि

(□ 6 बिलाइआव)



## गवर्धनाआव फरायसा-फोरेंगिरिफोरा निसा जाथोनि मुवा-बेसाद, थांखुनि हेंथायै सांग्रांथियारि लामा हान्जा सुरदों



## आयेन-आबुथिखौ सुलाद लानो कक्राझार पुलिस बिथोनगिरि गाहाइ दावबाय फैदों

बिसायख 'थिआ दावराव-दावसिनफ्राय उदां जानांगौ: हरमित सिंह



कक्राझार, 23 आगस्ट: फैगौ बिटिस बिसायख 'थिखौ नोजोर होनानै आयेन-आबुथिनि सोमोन्दै थासारिखौ सुलाद लानो दिने कक्राझारआव पुलिस गाहाइ हरमित सिंहआ दावबायफैदों। हरमित सिंहआ कक्राझार जिल्ला पुलिस बिबानगिरि (एसपि) मावखुलिनि मेल जथुमसालियाव बिटिसिनि आइजिपि, पुलिस बिबानगिरि, लेडाइ पुलिस बिबानगिरि, साब

(□ 6 बिलाइआव)

## गहपुर, बिस्वनाथ सारिआलि आरो ढेकियाजुलियाव इउपिपिएल फोसावदिं मेल बातासिपुरआव बिटिआरनि गाहाइ मावफुं सोद्रोमा प्रमद बर'आ बिसायख 'थि फोसावदिं मेल खुंदों



उदालगुरि, 23 आगस्ट: खुंजानो नोनां बिटिसि बिसायख 'थिखौ नोजोर होनानै राजखान्थि दोलोफोरनि गोखों फोसावदिंनाया दासान्दि सोलिगासिनो दं। दिने

इउपिपिएल दोलोनि आफादगिरि आरो बिटिसिनि गाहाइ मावफुं सोद्रोमा प्रमद बर'आ बिजेपि दोलोनि गाहाइ जायगा महैर मिबथिजानाय

## सालबारिजिल्ला गेलेमु आफादनि 'बि' डिभिजन फुटबल लीग

## निमुवानि जाउलीया स्पर्टस क्लबाआ सेमि फाइनलआव

भबानिपुर, 23 आगस्ट: सालबारि महकुमानि एनके बेतबारि गोजौ फरायसालि गेलेग्रा फोथाराव बेतबारि गान्दा स्पर्टस क्लबनि बान्जायनायाव खुंजाबाय थानाय सालबारि जिल्ला गेलेमु आफादनि 'बि' डिभिजन फुटबल लीग-2025 आ दिने 3 थि क्वार्टर फाइनलआ खुंजादों। क्वार्टर फाइनलआव निमुवानि जावलीया स्पर्टस क्लबआ देरहानानै उनि सेमि फाइनलआव सहैयो। बासबारिनि मानास पेन्टर स्पर्टस क्लबखौ ट्राइब्रेकारनि गेजेरजों 4-2 गलनि फरागथियाव फेजेन्नानै निमुवा जावलीया स्पर्टस क्लबआ देरहाना सेमिफाइनलआव

सहैयो। मोननैबो हान्जानि गेजेराव बादायलायनाया थिखानाय समआव 1-1 गलजों डू' जादोंमोन।□

## बाक्सानि काबिलपुर पल्लारपार गोजौ फरायसालिआव आमसुनि सांग्रांथियारि मेल

भबानिपुर, 23 आगस्ट: दुलाराय आसाम माइन 'रिटि फरायसा इडनियन सुंदयै आमसुनि बाक्सा जिल्ला आफाद आरो कावरपारा आन्सलिक आफादनि बान्जायनायाव बाक्सा जिल्ला सालबारि महकुमानि सिडाव थानाय काबिलपुर पल्लारपार गोजौ फरायसालिआव दिने आमसुनि खुंबोबाय थानाय



“नख'र-नख'र सोलोंथाइ अब्लासो रैखाथि जागोन” आयदाफरिनि हाबाफारि खुंदों।

मख'नो गोनांदि, काबिलपुर पल्लारपार गोजौ फरायसालि लागोनायाव आमसुनि बाक्सा

## बिटिसि गोरोबथानि सिगां उतरवारिनि गुलियाव जिउ गोमा नानाय सा 18 हिन्दी रावआरि मुंखलंफोरनो मान बाउदों आसामनि बारगा' मन्थि रिहन् दैमारिआ मुंखलंफोरनि मुडाव मुंखलं खाम्फा बेखेवदों



उदालगुरि, 23 आगस्ट: 2003 माइथायनि 10 फेब्रुवरियाव 3 ख'नायारि सावरायलायनायनि गेजेरजों

गोरोबथा खालामजानाय बिटिसि दाफु'नायनि सिगां-सिगां बिटिसिआव गुबुन-गुबुन हारि माहारिफोरनि सुबुंफोरनि जिउ

## कलागुरु बिष्णु प्रसाद राभा फरायसालिमानि गोदानै लुनाय न 'खौ बेखेवबाय हाबाफारियाव गाहाइ आलासि महैर बिटिसिनि गाहाइ मावफुं सोद्रोमा प्रमद बर'

उदालगुरि, 23 आगस्ट: उदालगुरि जिल्लानि 47 नं माजबात बिधान सभा बियाव एबा बिटिसिनि पासनै सेरफां बियाबनि सिडाव थानाय अरानि कलागुरु बिष्णु प्रसाद राभा फरायसालिमानि 95 लाख रां

(□ 6 बिलाइआव)



## बिटिआर सरकारआ गोजोनपुरि बाथौगुरियाव हा पाट्टा रान्नानै होदों



भबानिपुर, 23 आगस्ट: बिटिसिनि सालबारि बियाबनि गोजोनपुरि आरो बाथौगुरि गामियाव दिने आलादा आलादायै बिटिआर सरकारनि बान्जायनायाव गासै मोन144 नख'रफोरनो मोनसे हाबाफारिनि गेजेरजों हा पाट्टा रान्नानै हरनाय जायो। मख'नो गोनांदि, गोजोनपुरि गामियाव राइजो जाबोनाय मोन 97 नख'रफोरनो आरो बाथौगुरियाव मोन 4 7 नख'रफोरखौ लानानै गासै मोन 144 नख'रफोरनि गेजेराव हा पाट्टा रान्नानै होनाय जायो। बे हा पाट्टा रान्नानै हरनाय

(□ 6 बिलाइआव)

## कक्राझारआव एडसआइभि सन्देनारनि अन्जिमाया बांदों! आइसिटिसिनि फोरमायथिआव सोलिफु बोसोराव सा 28 सुबुंफोरा सन्देर जादों

कक्राझार, 23 आगस्ट: राइज्योआव गिखंथाव महराव एडसआइभि सन्देनारनि अन्जिमाया बांदों। जर'खायै कक्राझार जिल्लाआव थानाय 2022 माइथायनिफ्राय 2025 माइथायनि दिनेन अक्ट'सिम सा 142 सुबुंफोरा एडसआइभि सन्देरजानायनि रोखाथिया सोराखव फैदों। मख'जाथावदि, थानाय बोसोरआव कक्राझार जिल्लाआव एडसआइभिजों सन्देरजानानै साधाम सुबुंफोरा अबथिरायै जिउ गोमादोंमोन। बेनिनो सासेया गसाइगाव महकुमानि आरो सानैआ कक्राझार महकुमानि

(□ 6 बिलाइआव)

## पिएमश्री निकासि गोजौ फरायसालिया सप्ताहधारानि गेजेरजों ज्ञान धारा आयदानि सायाव सावराय मेल खुंदों

सालबारि, 23 आगस्ट: बाक्सा जिल्लानि भारत-भुटान सिमना ओन्सोलाव थानाय पिएमश्री निकासि गोजौ फरायसालिया दिने सप्ताहधारा हाबाफारिनि गेजेरजों ज्ञान धारा आयदायखौ लानानै फरायसुला-फरायसुलिफोरनि गेजेराव सावराय मेल खुंदे। दिनेनि ज्ञान धारा आयदानि सावराय लायनायखौ हाबाफारि बाय्यदियै बराय बिबुंथिनि गेजेरजों बेखेवनानै होयो फरायसालिनिनो गाहाइ फोरेंगिरि मानना सिं ब्रह्मआ।



बे ज्ञान धारा आयदानि सायाव गेजेराव बिबुंथि लाखिनो गाहाइ फरायसुला-फरायसुलिफोरनि

(□ 6 बिलाइआव)

## माजबात गोजौसिन गेजेरारि फरायसालिआव एमसिएलए दिपक मौरआ गियान सोरां बिथांखिनि चेक गथायदों



उदालगुरि, 23 आगस्ट: उदालगुरि जिल्ला माजबात बिधान सभा बियाव आरो बिटिआरनि पासनै सेरफां गौथुमारि बियाबनि सिडाव थानाय माजबात गोजौसिन गेजेरारि फरायसालिआव 'गियान सोरां बिथांखि'नि फरायसाफोरनो चेक गथायनाय हाबाफारि खुंदों। हाबाफारियाव सा 50 फरायसाफोरनो मैया शक्रुबारखालि 5 रोजा रांनि चेकखौ गथायो। एमसिएलए

(□ 6 बिलाइआव)

## सावदरभिता गोजौसिन गेजेरारि फरायसालियाव केरियार काउन्सिलिं सांग्रांथियारि मेल खुंदों



भबानिपुर, 23 आगस्ट: बिटिआर सरकारनि रंगौथि गोनां

थिसन्थाइ आरो सोरजिलु बिफाननि बान्जायनायाव दिने

(□ 6 बिलाइआव)

# दानिश मन्जुरआ इन्टारनेसनेल ताइक्वान्ड'चेम्पियनशिपआव ब्रन्ज मेडेल देरहानो हादों

अमान, 23 आगस्ट: जम्मु आरों काश्मीरनि बारामुल्लानि सासे लाइमोन एथलीट दानिश मन्जुरआ 21 निफ्राय 24 आगस्ट, 2025 माइथायसिम जार्डननि अमानआव खुंजानाय 13थि एलिट्स काप इन्टारनेसनेल त । इ क व ा न्ड 'चेम्पियनशिपआव ब्रन्जनि मेडेल देरहानो हानानै भारतनि थाखाय गोग्गानाय लाबोदों । जार्डन नेशनेल ताइक्वान्ड' फे डारे शनजों



खुंजानाय बे टुर्नामेन्टखौ आरब मुलुगनि गाहाइ गेलेमु आयदाफोरनि गेजेराव मोनसे

मानिनाय जायो, जाय गेजेर सान्जानि गोजौ थाखोनि एथलिट फोर आरों

अ फिलिप् क बादायगिरिफोरखौ गोसो बोहोयो ।

# खेल' इन्डिया वाटार स्पोर्ट्स फेस्टिभेलआव मध्य प्रदेशआ गंभै सनानि मेडेल देरहादों



श्रीनगर, 23 आगस्ट: मध्य प्रदेशआ शुक्रबारखालि डाल लेकआव खेल' इन्डिया वाटार स्पोर्ट्स फे स्िट भेल

(केआइडब्लिउएसएफ)नि नैथि सानआव बादायलायनाय गासै मोनब्रै सनानि मेडेलखौ देरहाना मोनसे मख'जाथाव जाफुंसारनाय

मोननो हादों । बेनि गेजेराव बानजायगिरि जम्मु-काश्मीरआ मोनसे रुपानि मेडेल मोननो हादों, जाय गावसोरनि हरसेनि गासै अन्जिमारखौ बांहोदों । फारसेथिं उरिफ्याआ मोननै उफ्रा रुपानि मेडेल आर्जिनो हादोंमोन, जाय बिथांमोनखौ मेडेल थाखोआव नैथि थाखोआव दोन्दों । गुबुन मोनसे दुंहाव सानआव, नाव जावनाय आरो कायाकिंग'आव मोनब्रै

फाइनालखौ साननि नैथि खावसेनि थाखाय थि खालामनाय जादों । दै गेलेमुनि मोनसे मुंदांखा हान्जा, मध्य प्रदेशआ हौवाफोरनि 500 मिटार कायाकिंग जावजायाव गावसोरनि गिबि सनानि बान्था दाबि खालामदों आरो फारियाव गोजौसिन मासि आवग्रिनो थाखाय गावसोरनि जाफुंसारनायखौ सोलिहोबाय थादों ।

# मिज 'रामनि गिबि मन्थ्रिआ फेग्रा बेसाद जानायखौ राइज्योनि थाखाय बयनिखुइ देरसिन अलखद महरै सिनायथिदों

आइजल, 23 आगस्ट: मिज'रामनि गिबि मन्थ्रि लालदुहमाआ थांनाय शुक्र बारखालि राइज्योनि बयनिखुइ देरसिन अलखद महरै फेग्रा बेसादफोर बाहायनायखौ सिनायथिदों आरो बे जेंनाखौ होबथानो थाखाय हान्जायारि हाबाफारिनि सायाव गोर्नाथि होयो । आइजलआव खुंनाय मिज'राम पुलिस सिबिथाय आफाद (एमपिएएस) नि सम्मेलनआव बिताहा फेग्रा बेसादफोरखौ गाग्रियै बाहायनाय आरो एड्सआइभि/एड्सनि थांखिनि गेजेरजों सोमोन्दोखौ



मख'यो । फेग्रा बेसादफोरखौ गाग्रियै बाहायनाया जौनि थाखाय बयनिखुइ देरसिन अलखद जाना फैबाय । गिबि मन्थ्रिआ मिज'राम पुलिस सिबिथाय (एमपिएएस)

बिबानगिरिफोरनि नाजानायफोरखौ बाख्नायो, जायफोरा फेग्रा बेसादफोरनि हें थायै दावहायाव गोजोन लाखिनायाव गाहाइ बिफाव

लादों, जायजों मिज'रामआ भारतनि बयनिखुइ गोजोन राइज्योफोरनि गेजेराव मोनसे जाबाय । बेनि गेजेरजों गिबि मन्थ्रिआ पुलिस मावसुमाफोरनि गेजेराव थैनाय बांनायखौ लानानै जिंगा सिनाय फोरमायना बिबानगिरिफोरखौ गावबा-गावनि देहा आरो नख'रनि गाहामनि थाखाय गुदि बिथा होनो बोसोन होदों । बे हाबाफारियाव नख'रमन्थ्रि के. सापटंआबो नुजाथिदोंमोन, जेराव मिज'राम पुलिस सिबिथाय आफादनि सा 139 सोद्रोमाफोर नुजाथिदोंमोन ।

# आमेरिकानि हादतगिरि डनाल्ड ट्रम्पआ पुतिन आरो जेलेस्कीखौ लानानै मोनसे बिबुंथि होदों



गोदान दिल्ली, 23 आगस्ट: आमेरिकानि हादतगिरि डनाल्ड ट्रम्पआ रसियानि हादतगिरि पुतिन आरो इउक्रेननि हादतगिरि जेलेनस्कीखौ लानानै मोनसे मख'जाथाव बिबुंथि होदों । बेजों लोगोसेनो बिथाड बुडोदि, दरनै हादतनि गेजेराव गोजोन लाबोनो

नाजानायनि सायाव थाबैनो थांखि लागोन । ट्रम्पआ बुडोदि, जुदि दावहा दोन्थ'नायनि सायाव रसियाआ थियारि जाया अब्ला बिसोरे गोखों होबथानायफोरजों म'गा-मोगि जानांनो हागौ । ट्रम्पआ मिबथि होबावोदि, बिथाडा बृहस्पतिबारखालि

इउक्रेनाव आमेरिकानि मोनसे कारखानानि सायाव रसियानि गाग्लोबनायखौ मोजां मोनाखै । बिथाड बुडोदि, दरनै हादतनि गेजेराव सोलिबाय थानाय जायखि जाया दावहाखौनो मोजां मोनाखै । बबेखानि बिथाड बुडोदि, गाव नायनो

लुबैदों, जे रसियानि हादतगिरि व्लादिमिर पुतिन आरो इउक्रेननि हादतगिरि भलदिमिर जेलेनस्कीआ लोगो हमलायगोन ना हमलाया । जेब्ला डनाल्ड ट्रम्पनाव सौंथि खालामो, अब्ला गोजोन सावरायलायनायनि थासारिखौ लाबोनो थाखाय थिखानाय 2 सप्ताहनि सम-सिमानि जोबनायाव बिथाडा मा खालामगोन । बेनि फिन्नायाव ट्रम्पआ बुडोदि, आं सानो रसिया आरो इउक्रेननि जुजिलायनायखौबो आं मिबथिखागोन । बेनि थाखाय सानै सुबुनि गोर्नाथि जायो । हादतगिरि ट्रम्पआ बुडोदि, बेनि उनाव आं थांखि लागोन जों मा खालामनांगों आरो बेयो मोनसे मख'जाथाव थांखि जागोन ।

(सल' थरे)

दागो गैयै फिसाज्ला

गुबै-खुशवन्त सिं  
दानस्लायग्रा- ए.के. ब्रह्म

खेबसे सानै आइजोनि खोथा-बाथ्रा खोनासंनो आंहा खाफाल जुफिदोंमोन । सानैबो उसुंसेनि नडब्लाबो ओन्सोलनि सिनायज्जलायनाय । गिबि आइजोआ गावनि सिनायनाय आइजोखौ सौंनायसै, “नौंथांहा फिसा हौवा दं ना ?”

फिन्नाय: दं ।

सौंथि: थांखु सोबो नामा ?

फिन्नाय: सोबा ।

सौंथि: हराव गोबावजोंसो न'आव फैयो नामा ?

फिन्नाय: फैया ।

गिबि आइजो: नौंथाड जोबोद लाकी । नौंथानि फिसाया थारैनो जोबोद आदर्श गोर्नां फिसा । बनि बैसोआ बेसे ?

फिन्नाय: थाम दान ।

# रंजालि गथ'फोरनि सौरा

## मिजिंक

मिजिंक दड आंहा-  
नैबे आंनि बैटा गैयै  
जिउनि डिङा जावलांनायआव  
रुगुं मोनहैनो, नैबे आंनि  
106 बेगेंखौ लानानै ।  
मिजिंक दड आंहा-  
फैलाउ साहारा बालाहामायावबो  
हाहोनो जाखिसे अखा ;  
मिजिं थिनानै साहारायावबो  
दान्दिसे सुदेम गोजोन ।  
मिजिंक दड आंहा-  
बारहुंखा-बारमोदाइ, बालाहामा,  
दैमा दैसानि दोहौआवबो---  
गुनो रोडै गायनानै दोनलांनो  
बर'राव, थुनलाइ, हारिमुनि गोगोम बिफां ।  
मिजिंक दड आंहा-  
डिमापुर, माइबां, कासपुर लुफिनो;  
जादोंब्लाबो राम-राबण, जेस जालेम दावहा  
दोनलांनो जारिमिनआव  
गावखौनो असे थार बर' जोहोलाव ।  
मिजिंक दड आंहा-  
मुलुकआव मोन्नाइर्नला दैमालुनि राव,  
थानानै थासिगोन अराइबो  
बर'नि राइजो, राजा आरो फोर्जा  
लैथो गंसेनि दै जानानै ।  
मिजिंक दड आंहा-  
फोरमान होयोब्लाबो गोरिबनि,  
बर'नि नख'रआव दाव,अमा,  
हांसो, फारो, उवाल- गायहेन  
एम्फो लाथा मोनबाइ थागोनखौ

मुस्त्रि बिक्रम बसुमतारी  
ला:सो:- सिलिखा गुरि  
जिला- चिरां बि.टि.सि.

## आंनि जिउ

नैबे उजिगासेयाव आं  
सुबुनि जोनोम लानानै  
दुखु दालायाव थरथिंसे  
दुंदुद मोदै गबाय ।  
नुदों आं आय आफानि लोर्बा आखायाव  
जोबनो गैयै संसारनि असानथि जेंना ।  
गाबनाय-दुखु, हांमा-दाहा,  
फुं-मोना जेब्लायबो  
बोथिसे ओंखामनि थाखाय जिंगा ।  
गाहाम बोथोरनि अम्बासि हराव  
एमनि सायाव ओलैस्रो गोग्लैयोब्ला  
नुहुरो उखुम मुदानि साजों  
लाथिख' अखोरॉनि बिखायाव  
लाजिस्तु मिनिहरनाय  
हाथरखि अलंबार ।  
हाबाब....  
मा इसे जाल्ला दुखुथिया  
आंनि बे जिउ मोनसेया  
खुगायाव गैया दान्दिसेबो सुखुनि मिनिनाय,  
जेब्लायबो बोहैयो  
आंनि थायनै मेगननिफ्राय  
खावलाय बिलिरनानै  
थाद'रोडै मोदैनि निजिरा ।  
खाफालाव मादि लिरनाय दं  
बुंस'हाया.....  
आंनि जिउ ।

मुस्त्रि मोगथां बसुमतारी  
गामि- सा देउलगुरि  
जिल्ला - चिरां, बड'लेण्ड ।

( 3 बिलाइनफ्राय )

## गहपुर, बिस्वनाथ सारिआलि आरो ठेकियाजुलियाव इउपिपिएल फोसावदिं मेल

बाहागो लानानै बिसायख'थि फोसावदिडो । गहपुर, बिस्वनाथ सारियालि आरो मोनाबिलि 6:00 रिंगायाव ठेकियाजुलि मिलन गोजौ फरायसालि गेलेग्रा फोथार लांगोनायाव खुंनाय मोनसे गेदेरथार राइजोआरि मेल खुंनाय जादों । बिटिआरनि गाहाइ मावफुं सोद्रोमा प्रमद बर'आ बाहागो लाफैनानै बुंदोंदि, थांनाय 17 बोसोर नाडै बिटिआरआव हिंसायारि थासारि सोमजिदोंमोन । जौनि दोलोनि 4 बोसोरआरि मावफुं समआव बिटिआरआव गोजोन थासारिखौ लाबोनो हाबाय । मोन 26 हारियारि आफादआ खौसे जानानै बिटिआरआव इउपिपिएल दोलोआ समान जौगाखांहोनो हादों । मेलआव बिटिआरनि मावफुं सोद्रोमा एबा 40 नं रैता गौथुमआरि बियाबनि एमसिएलए ङ निलुत स्वरगियारि राइज्यो सभानि एमपि रोनागोर नार्जॉरिआबो बाहागो लाफैनानै बिसायख'थिनि सोमोन्दै बिबुंथि लाखिदों । इउपिपिएल दोलोनि सनितपुर जिल्ला आफादनि आफादगिरि कसुम स्वरगियारिआ आफादगिरि मासि सामलायनाय बिसायख'थि फोसावदिंनाय मेलआव गासै 10 रेजानिखुइबो बांसिन सुबुंफोर बाहागो लाफैदों ।

## मोजां मोननाया.....

जेबो दाय गैयामोन  
गोथार बारग्लानाय गोसोआव,  
गैयामोन जेबो दागो  
सिमाड थोंगोर मोनसेल' सोमोन ।  
बिखा बुंजासे खुसिनि लैथो  
दिनै बालाहामानि महर लाबाय  
प्रसान्त' लैथोमानि दैयाबो सिग्लाबहोनो हानाय नड;  
मैयासो मिनिनाय गोसोआ  
दिनै बाब्राब बाब्राब गां बुब्राबदों  
मोजां मोन्नायनि जेमानिफ्राय बारग'नो ।  
बेयाव गोजोन्नाय दं  
बेयाव रंजानायाबो दं  
गुस्लाइलांबोला सहायनो हायै दाहा  
बेयाव दं दुखु गाबनाय आरो बिस्त्रिखला ।  
मोजां मोन्नाया जोनोमनिफ्राय  
बिदाय होनाय समसिम - सान्नेनि उनाव बावजानाय ।  
मोजां मोन्नाया गोमायो  
जेब्ला सिमांफोर थैलाडे,  
बियो आंनि दाइरिनि बिलाइफोराव  
निला स्याहिजों लिरजानानै थाबाय आद्रा मोजां मोन्नाया..... ।

-गलाप खुंगुर बसुमतारी,  
कक्राझार ।

## मोनाबिलि

आय' अनजालि मोनाबिलि  
रावबो मोनथिया जौल' मोनथिलायगौ  
जौदि सानैजों जादों जुलि;  
सोनाब जिंनि नखर आव  
फैयो नोडे सोदोब मोनथाव,  
बिरहोनानै रैसुमै बाराव  
रेशम जोमैनि दखना फायलि ।  
जारौ मोखाडव जिनित नांदों  
हनै मानिबा गोसोम छाया-  
बेथ' नौनि ह'छारनाय खानायनि  
गेलेनाय बोल' जेबो नड- ।  
मा नायदोंयै गोजों भुमाव;  
सोर गाहोखो सिन्दुरनि फोथाखौ  
अनजालि नौनि बिखा सायाव ?  
नौजों आंजों दै बिडव  
बिदिनो आजाय नुज्जाय गोर;  
छिखिर मानसिनि मेगन सेरावल'  
जौ सानैजों ऐरा-ऐरा ।  
हाबाब सना नौंखौ आं  
जिउनि होनानै सानो जुलि,  
नौनि खुगायाव खोनाबाय आं  
गोसो थोनायनिल' मुंचे मुलि ।

मुस्त्रि जरापाल बसुमतारी  
ला:सो:- जालाहघाट  
जिला-बागसा बि.टि.सि. आसाम

## सिखिरि

सोमखोर फैलाव बहुम बिखाणि  
अनजालि सिखिरि नों स'ना गाबनि ।  
मिथिंगानि समायना-रमायना बायदि  
बिबार फोरजों गेलेनानै..... बिदै  
सोबनायानो नों अनजालिनि हाबा ।  
गोसो जायो आंहा नों अनजालि  
सिखिरिखौ आंनि बिबाराव लाखिनो  
आरो अराय सम गेलेबाय थानो,  
नाथाय.... अनजालि सिखिरि मानोदि  
नों आंखौ नायख्कें नायख्कें खालामो ।  
मायाथिलि बे मुलुग संसाराव नुफेराखै  
आं दिनैसिम नों बायदि स'ना गाबनि  
अनजालि सिखिरि ..... !!  
गोसो गोर्बो आंनि बोदोर बावलि  
जायो नों अनजालि सिखिरिखौ  
माब्रैहाय लाखिनो हागोन..... ।  
हास्थायो आं नों अनजालि  
सिखिरिजों बिदै सोबजानो..... ।  
हास्थायो आं बे मिथिंगानि बायदि  
सिखिरिजों बिदै सोबजानो ।  
बे बारगासेयाव आंबो नों अनजालि  
सिखिरिनि अन्नायनि बिदै  
मोना जासेनो ब्रय सिरि लांनाय नड ।  
अनजालि सिखिरि स'ना गाब  
आंनि अराय जीउनि लोगो सिखिरि ।

-रिनदाव बसुमतारी  
गामि- आमिन फारा  
जिला- कक्राझार ( बड'लेण्ड )

# मिरुआरि नख 'र बिफानआ आसामनि डिगबै पुलिस थानानो साबसिन पुलिस थानानि फोरमानलाइ होदों

गुवाहाटी, 23 आगस्ट: भारत सरकारनि नख 'र बिफान (एमएइसए) आ आसामनि तिनसुकिया जिल्लानि डिगबै पुलिस स्टेसननो साबसिन पुलिस स्टेसन फोरमान लाइजों मान बाउदों, जाय आइन आरो बेबस्थाखौ सोलिहोना लाखिनायाव बिसोरनि सरसनस्त्रा नडै सिबिथाय आरो गोहोखौ गनायथि होयो। बे फोरमानलाइखौ गोदान दिल्लीयाव थानाय जुथाय नख 'र बिफाननि गेजेरजों फोसावनाय जादों। बे स्टेसननि सुबुं सिबिथाय, खुंथाय आरो



गोहोम गोनां पुलिसनि बेयो राइज्योनि गुबुन फारसे हाबा मावनायखौ गनायथि होयो, जायजों

हाबाफारिनि बाहागो महरै डिगबै पुलिस स्टेसननि अफिसार-इन-चार्ज जर'खा

# निउयर्कआव गिख्रंथाव लामानि जाब्रबथाय जानायनि खौराड सौराडव फैदों



निउयर्क, 23 आगस्ट: आमेरिकानि निउयर्कआव मोनसे गिख्रंथाव लामा जाब्रबथायनि खौराड सौराडव फैदों। पुलिसआ मिबथि होयोदि, नियाग्रा फल्सनिफ्राय निउयर्क सहरसिम

फैबाय थानाय गंसे दावबायारि बासआ शुक्र बारखालि जाब्रबथाय जायो, जेराव माखासे सुबुंफोरनि जिउ गोमायो आरो माखासेया जोखोम जायो। पेम्ब्रकनि

खाथि आइ-90 आव जानाय जाब्रबथायनि जाहोना दासिमबो रोखा जायाखै, जाय बाफलनिफ्राय 25 माइल (40 किल'मिटर) सान्जायाव दड। जाब्रबथाय जानाय जायगायाव

No. 125/ACE/NIT/Infra/BTC/2022-23/323

Dated Kokrajhar the 22/08/2025

TENDER NO. 58 OF 2025-26

PRESS NOTICE

(e-Procurement)

The Addl. Chief Engineer-cum-Director, PWD, BTC, Kokrajhar on behalf of the Governor of Assam invites online tender on EPC Mode-I of contract (Single stage two-part bidding system) for the works:- (i) “Construction of Food Processing Plant with Cold Storage Facility at Nakuchi, Baksa District in Assam” on EPC (Engineering, Procurement and Construction) amounting to Rs. 4285.46 Lakh (Approx.) & (ii) “Construction of Food Processing Plant with Cold storage facilities at Lalpool, Udalguri District” on EPC (Engineering, Procurement and Construction) amounting to Rs. 3960.03 Lakh (Approx.) under Special Development Package for the financial year 2025-26 from the eligible contractors/firm registered under APWD/BTC (Building) Class – I (A) category. Details may be seen at website <http://assamtenders.gov.in> and also at the office of the undersigned during office hours.

Sd/-

Addl. Chief Engineer, Cum Director, PWD, Bodoland Territorial Council, Kokrajhar

IPR(BTC)/C/2025-26/2864

No.ACE-35/TECH/UDL(R&B)/IFB/2018-19/540

Dated Kokrajhar the 22/08/2025

Tender No. 59 of 2025-26

PRESS NOTICE

The Addl. Chief Engineer cum Director, PWD, BTC, Kokrajhar invites bid on behalf of Governor of Assam for the work “Construction of Assam Gorkha Sammelan District Head office, Udalguri for the year 2025-26” amounting to Rs. 50,00,000.00 (Approx.) from the eligible contractor registered under Class- II & I (A, B & C) category under PWD, (Building), Assam or BTC. Details may be seen at website <http://assamtenders.gov.in> and also at the office of the undersigned during office hours.

Sd/-

Addl. Chief Engineer, Cum Director, PWD, Bodoland Territorial Council, Kokrajhar

No.22/ACE/PWD/BTC/SDP/2025-26/04

Dated Kokrajhar the 22<sup>nd</sup> August, 2025

TENDER NO. 57 OF 2025-26

PRESS NOTICE INVITING TENDER

The Addl. Chief Engineer-cum-Director, PWD, BTC, Kokrajhar on behalf of the Governor of Assam invites online tender on EPC Mode-I of contract (Single stage two-part bidding system) for the work “Food Processing Plant with Cold Storage Facility at Goladangi Kokrajhar in Assam” under BTC Package amounting to Rs.4133.25 (Rupees Forty One Crore Thirty Three Lakh Twenty Five Thousand) only (Approx.) from the eligible contractors/firm registered under APWD/BTC (Building) Class – I (A) category. Details may be seen at website <http://assamtenders.gov.in> and also at the office of the undersigned during office hours.

Sd/- Addl. Chief Engineer-Cum-Director, PWD, BTC, Kokrajhar

IPR(BTC)/C/2025-26/2859

No.CSDB-232/6<sup>th</sup> ASFC/BTR/2024-25/742

Date 22/08/2025

NOTICE INVITING TENDER

Sealed tender affixing a nonrefundable court fee stamp of Rs. 8.25 (Rupees eight & paise twenty five) only with a validity period of 90 days, which will subsequently to be converted and drawn up in the printed F-2 form are invited from the registered contractors of Class-I (ABC) and Class-II category of Assam PWD (Roads & Building) and BTC according to their eligibility for submitting tenders for the works 6<sup>th</sup> ASFC Awards (BTC) fund for the year 2021-22 during 2025-26 under as stated below. The tender will be received by the undersigned up to **2:00 PM on 12/09/2025** and will be opened on the same date & place at 2:30 P.M.

| Sl. No. | Name of VCDC        | Name of Scheme                                          | Tender Amount (Rs.) | Cost of Tender Papers | Time of completion |
|---------|---------------------|---------------------------------------------------------|---------------------|-----------------------|--------------------|
| 1       | North West Bashbari | Const. of road S/G from Borogola to Bethaggaon PWD road | 12,00,000.00        | Rs. 360.00            | 3 Month            |

Details NIT may be seen in all working days during office hours in the office of the undersigned. Tender papers will be issued to the contractors of their authorized representatives from **09/09/2025 and 12/09/2025** in the office of the undersigned on payment cost of tender paper in the form of demand draft /Bankers cheque from any nationalized bank duly pledged in favour of the principal secretary, BTC, Kokrajhar payable at Kokrajhar. A pre-bid meeting is schedule on 08/09/2025 at 11.00 AM. Address for the meeting is Office of the Block Dev. Officer, Chapar-Salkocha Dev. Block. The TIA reserves the right to accept or reject any bid/Tender and to cancel/ annul the bidding process and reject all bids at any time prior to contract award.

Sd/- Block Development Officer, Chapar-Salkocha Dev. Block

IPR(BTC)/C/2025-26/2852

हाबाफारियाव आसामनि पुलिस डिजिपिनिफ्राय बान्थाखौ मावख'आरि महरै मोनगोन, जायखौ थांनाय 22 आगस्टआव गुवाहाटीनि उलुबारियाव थानाय आसाम पुलिस गाहाइ मावख'नि सन्मेलन हलआव खुंनाय जादों। बे बाख्यायथाव दिगबै पुलिस मावसुमाफोरनि बाउसोमनाय आरो खस्ट खालामनायनि फोरमान होन्ना बिबानगिरिफोरा फोरमायदों, जायफोरा लान्थ्रियै राइज्योफोरनि फोथायनायखौ लाखिदों आरो ओन्सोलाव आइन आरो बेबस्थाखौ गोख्रों खालामनायाव मख'जाथाव बिहोमा होयो। बे मान मोन्नायजों आसामनि गुबुन पुलिस स्टेसनफोराबो समान गोहो, मान-सन्मान आरो पुलिसफोरनि मानखौ लाखिनो थाखाय थुलुंगा होनायनि मिजिं दड।

# इम्फलआव जरजुलुमै रं लानायनि थाखाय केसिपि-टिनि केडारखौ ग्रेप्टार खालामदों



इम्फल, 23 आगस्ट: रैखाथि हान्जाफोरा मनिपुरनि सान्जा इम्फल आरो सोनाब इम्फल जिल्लाफोराव सुबुं आरो गलादारफोरनिफ्राय रं लानायनि दायआव होबथाजानाय कार्लिपाक कम्प्युनिस्ट पार्टि (केसिपि-टि:नि सासे एक्टिभ केडारखौ ग्रेप्टार खालामो, जाहाथे पार्टिनि फान्ड बुथुमनो हायो। ग्रेप्टार खालामजानाय सुबुंखौ 44

बोसोर बैसोनि सेत्रिमायुम भगेन्द्र सिं मुडै सिनायथि होदों, जायखौ याइफबा एबा प्रेम मुंजोंबो सिनायथिनो मोन्नाय जायो। बियो इरिबुल पुलिस स्टेशननि गेजेरजों खेमान जन 111नि थागिबि। बिखौ थांनाय शुक्रबार खालि बिन न'निफ्राय जिम्मायाव लायो। पुलिसआ बनि सम्पतिनिफ्राय गंसे मबाइल फन आरो मोनसे

आधार कार्ड बोखाडो। बे ग्रेप्टार खालामनाया सानथामनि उनाव

# बांलादेशनि 8 दाननि गोर्खोआव थानाय आइजोखौ जेलआव सोदों



गोदान दिल्ली, 23 आगस्ट: आयेन बेरेखा हाबफैखोमाग्राफोरा जायखि-जाया हादतनि रैखाथि आरो सोदांनायफोरनि थाखाय अलखद सोमजिहोनायजों लोगोसे बिसोर बेयावनि समाजआरि सरैखाथिखौबो खहा खालामनायनि खामानि मावो। हादतनिफ्राय आयेन बेरेखायै हाबफैखोमाग्राफोरखौ दिहुन्नाय हाबाफारिया लान्थ्रियै सोलिगासिनो दड। बेनि गेजेरजों बेबादि केस नुजाथिदों, जेराव सासे आइजोआ ओरैबादि थासारियाव थाबथाना थादोंमोनदि, बियो माब्लाबाबो बेबादिखौ मिजिं थियाखैमोन। भारतनिफ्राय बांलादेश डिपर्ट खालामनाय सुनाली खातुनखौ न'मुंसे हादतफोराबो गावसोरनि नोगोरारि महरै गनायनो नेवसिगारो। भारतनि पुलिसआ सुनाली खातुनखौ आयेन बेरेखा हाबफैखोमाग्रा महरै फोरमायनानै आसामनि लामाजों बांलादेश डिपर्ट खालामदोंमोन। नाथाय बेयावनि पुलिसआनो बिखौ गावसोर नोगोरारि महरै गनायनो

नेवसिगारानै जेलआव सोनाय खौराडा सौराडाव फैयो। बयनिखुइ बांसिनै जिंगा सिथावना बाश्राया बेनोदि, सुनालीआ 8 दाननि गोर्खोआव दड आरो बियो जायखि-जाया समावनो गथ' जोनोम होनो हागौ। बेबादियाव सोंथि सोमजियोदि, जोबथासनायाव बे गथ'आ बबे हादतनि नोगोरारि जागोन ? टिअआइनि रिपर्टनि बादिल्बा, बांलादेशनि चपाइ नवाबगन्ज पुलिसआ थांनाय बृहस्पतिबार खालि सुनालीखौ बनि आधार कार्ड आरो भयर आइडि कार्डनि सायावनि बिथा खालामनानै ग्रेप्टार खालामदोंमोन। एसपि एम. रिजाउल करिमआ फोरमायोदि, बे सुबुंफोरा गावसोरखौ भारतआरि होन्ना फोरमायो आरो बिसोरनियाव रावबो उकिल गैयामोन। बेनिखायनो कर्टआ बिसोर गासैखौबो कन्ट्रल अफ एन्टी एक्ट, 1952 नि गेजेरजों जेलआव दैथायहरो। बे केसनि जानो गोनां हियारिआ फैगौ सेप्टेम्बर दानआव जागोन।



# गाहाम देहानि राहा

## फुंनि समाव उदै खालियाव दै लोडोब्ला दैहायाव गोबां मुलाम्फाखौ मोन्नो हायो

दैया जॉनि देहानि थाखाय बयनिखुइ गोनांथार मुवाफोरनि गेजेराव मोनसे। देहाखौ गाहामै लाखिनो थाखाय जों थोजासे बिबांनि दै लोंनांगौ। देहायाव दैन बाडइ जानायजों गोबां रोखोमनि बेरामफोरा जानो हागौ। जों देहाखौ गाहामै लाखिनो थाखाय एसे एसे बिबाडव दैखौ लोंबाय थानांगौ। गावनि देहाखौ गाहामै लाखिनो थाखाय बडि हाइड्रेट थानाया गोबां गोनांथार। जॉनि देहायाव 70 जौखोन्दो दै थायो। देहायाव दैन बिबाड बाडाय जानायनि जाहोनाव खर' सानाय, खि गोर जानाय, झइ स्क्रिन, ज'रा ज'रा जानाय, उदैनि बाहागोआव जे'ना जानाय, ल' ब्लाड प्रेसारनि जे'ना, देहानि लिस्थाइ बांनयनि जे'ना आरो स्न केन्सार बायदि माखासे जे'नाफोरा जानो हागौ। बेबायदियाव जों बेसेबां बिबाडव दै लोंनांगौ आरो मानो दसे दसे उनावनो लोंनांगौ बेखौ मिबथिना लानाया गाहाम। देहाखौ गाहामै आरो फिट लाखिनायाव दैया गाहाम बिहोमा होयो। सुबु'फोरनि देहायाव दैन बिबांङ 50-70 जौखोन्दो थायो। दैया देहानि अंग'फोर आरो जौगाखांनयाव रैखाथि होयो।

1. जुदि नोंथाडबो फास्ट एबा उपवास थायो आरो उदै



खालियाव दै लोडोब्ला नोंथानि मेटबलिक रेटआ बांनो हागौ, जायजों नोंथानि दोगोनआबो मोजाडै जायो आरो खि गोर जानाय, गेसनिक्राय रैखाथि मोन्नो हायो।

2. दै लोंनायजों जों बाडइ उखैनायखौ हमदाडो, जायजों जों देहानि लिस्थायखौ बाडइ खालामनायाव मदत मोनो। फुंनि समाव सिखारनाय लोगो लोगोनो दै लोंनायजों देहानि बिष गोनां जे'नाफोरा हासुदैजों लोगोसे बायजोआव ओंखारो। फारसेथिं देहानि लिस्थायखौ बाडइ खालामनायावबो मदत मोनो।

3. जुदि नोंथाडबो मेंनाय एबा लोरबांथिखौ हमदाडोब्ला नोंथानि दै लोंनाया गोबां मुलाम्फा गोनां जायो। देहायाव डिहाइड्रेशन जायोब्ला मेंनायखौ मोनो। थोजासे बिबांङव दै लोंनायजों ब्लाड साकुलेशनआ मोजाडै थायो आरो देहायाव एनाजीबो मोनो।

4. जुदि नोंथाड मेंनाय आरो लोरबांथिखौ हमदाडो अब्ला दै लोंनांगौ। खर' मेलेमनि 70-

80 जौखोन्दो टिश्युजआ दै बानायनाय जायो। डिहाइड्रेशन जायोब्ला देहाजों लोगोसे खर' मेलेमआवबो जे'नाखौ हमदाडो। बेनिखायनो सम-सम दै लोंनायजों टेन्शनआ बाडइ जायो।

5. देहायाव दै बाडइ जानायजों खर' खानाय गेसं आरो गुरै जायो। खानाया रानस्त्राव जानायनि जाहोनखौबो दैन बाडाइ जानायखौनो फोरमायनाय जायो। उदै खालियाव दै लोंनायजों खानायनि रानस्त्राव जानायनिक्राय रैखाथि मोनो आरो खानायनि जौगाखांनया बाडो। फुंनि समाव सिखारनायनि उनाव गासै 3 काप दै लोंनांगौ। फारसेथिं उदै खालियाव बिब्दिनो दैखौ सानफ्रोमबो लोंनांगौ। जाग्रा आदार जानायनि से घन्टासिम दै लोंनायनिक्राय जानगाराव थानांगौ। दै लोंनायनि 45 मिनिटनि उनाव फुंनि जाग्रा आदार जानांगौ। बेनि सिगां जेबो जायैआ मोजां।□

## हलिउडनि थान्डारबल्टस सावथुनखौ डिजिटेल प्लेटफर्मआव रिलिज खालामनो थारवाय थियारि जाबाय



थान्डारबल्टसआ मार्बल सिनेमेटिक इनिभार्स (एमसिइउ) नि लेटेस्ट एडिसन। थिएटरनि उनाव सावथुना जोबोद थाबै'नो डिजिटेल प्लेटफर्मआव रिलिज जानो थाखाय थियारि जाबाय। बे सुपरहिट सावथुननि प्रिमियारआ 22 एप्रिल 2025 आव लन्दन, इंग्लेन्डनि सिनेवार्ल्ड लिसेस्टाप स्क्वारआव जादोंमोन आरो बेयो

2 मे 2025 आव सिनेमाहलफोराव रिलिज जादोंमोन। बक्स अफिसआव बेयो 382 मिलियन डलारल' आरजिनो हादोंमोन, जाय मार्बलनि हिसाबै जर'खा नडमोन। आथिखालाव अटिटि रिलिजनिक्राय मेकार्सफोरा मिजिंथिदों। एमसिइउनि अन्सायगिरिफोर बे सावथुनखौ 27 आगस्ट 2025 निक्राय जिय' हटस्टारआव नायनो

हागोन। मार्बल कमिक्सनिक्राय सेबख्वां जानाय थान्डारबल्टसखौ मेन्टर हेल्थ टिमनि सायाव बानायनाय जादों, जेराव गावसालायनाय, ड्रामा, डिप्रेसन आरो फिलिंग्सखौ दोनखुमानायनि खैफोद आरो लोगोसेनो फोलेर, फाहामथाय, सेल्फ वार्थ आरो थांखिखौ नागिरनायनि गोनांथियाबो दंफायो। स्ट्रिमिं प्लेटफर्मआ एक्सआव सावथुननि ट्रेलारखौ

## फावखुंगुर पार्थ दबेआ इनस्टाग्रामाव गावनि जुलिनि सावगारिफोर आरो भिडिअ शेयार खालामदों

बलिउडआव माखासे उन्दै स्टारफोर फैदोंमोन, जाय देरहानाँ जेबो मुं गैयै जिउ खुंनानै दड। माखासे उन्दै फावखुंगुरफोर ओरैबायदिबो दड, जाय बलिउडआव गोबां मुं आरजिदों, बेयाव आमिर खान आरो ऋतिक रशननि मुडबो दंफायो। जों सावरायगोन अभिषेक बच्चन आरो एश्वर्या राय बच्चननि 'कुछ ना कहो' सावथुननि बाश्त्रा, जाय 2003 माइथायाव रिलिज जादोंमोन। बे सावथुनाव अभिषेक-एश्वर्याआ गाहाइ बिफाव होदोंमोन आरो सावथुनाव अभिषेकखौ राज मल्हत्रानि फावआव नुनो मोन्दोंमोन। सावथुनाव उन्दै



फावखुंगुरनि फावखौ पार्थ दबेआ दिन्थिदोंमोन, जायखौ जों आथिखालाव बयबो बावगारबाय। कुछ ना कहो सावथुननि बिफा-फिसाज्जानि सोमोन्दोनि सायाव बानाय जानाय सावथुनमोन। कुछ ना कहो सावथुनाव मास्टर पार्थ दबेआ सन्जिव कुमार श्रीवास्ताभ (आरबाज खान) आरो नम्रता श्रीवास्ताभ (एश्वर्या राय) नि फिसाज्जा आदित्य कुमार श्रीवास्तभनि बिफाव होदोंमोन। सावथुनखौ रहन सिप्पिआ दिहुदोंमोन। सावथुनाव सतिश शाह आरो मेघना मालिकखौबो गाहाइ फावआव नुनो मोन्दोंमोन। पार्थनि सावथुन केरियारनि बाश्त्रा सावरायोब्ला, बिथाड गोबां सावथुनफोरा उन्दै

# फावखुंग्रि स्नेहा उल्लालआ सलमान खानजों लोगोसे एक्टिंनि मुलुगाव गिबि डेब्यु खालामदोंमोन

एश्वर्या रायआ बलिउडनि नायनो समाइना आरो टप फावखुंग्रिफोरनि गेजेराव सासे होन्नानै सानजायो। जाय 1994 आव मिस वार्ल्डनि बिमुंखौ मोन्नो हादोंमोन। अदेबानि बिथाड हिन्दीनिक्राय लानानै तामिल सावथुनफोरसिम बयजोंबो सिनार्यथि जानाय मुं जादों। आथिखालावबो बयबो बिथानि समाइना महरनि थाखाय बोदोर जायो। बबेखानि सलमन खानजों लोगोसे बिथानि सोमोन्दो थानाय बाश्त्राखौ दिनैसिमबो खोनानो मोनो। आथिखालाव बिथाड बच्चन नख'रनि बिहामजो जाबाय आरो अभिषेक बच्चननि बिसि। बिथाड सासे फिसाजो दड,



जायनि मुड आराध्या बच्चन। नाथाय मिबथिगौना एश्वर्या राय बायदि नुग्रा सासे बलिउडनि फावखुंग्रिबो दड, जाय सलमान खानजों सोगोसे एक्टिं मुलुगाव डेब्यु

खालामदोंमोन। जों सावरायदों 2005 आव नुजाथिनाय सावथुन 'लाकि न' टाइम फर लाभ' आव नुजाथिनाय फावखुंग्रि स्नेहा उल्लालनि बाश्त्रा, जाय सावथुनाव

सलमान खाननि फावखुंग्रिमोन। बिथानि नीला गाबनि मेगन आरो महर मोखांआ अन्सायगिरिफोरखौ एश्वर्या रायखौ गोसोखां होदोंमोन। मिबथिनो मोन्नाय

बायदिब्ला, स्नेहाआ सलमान खाननि बिनानाव अर्पितानि मोजां लोगो, जायनि गेजेरजों बिथाडा भाइजानजों सोमोन्दोआव थादों आरो सावथुनफोराव फैनायनि खाबु मोन्दों। बिथांखौ एश्वर्या रायजों गोबां रुजुनाय जादों। बलिउडआव लाकि सावथुननि उनाव आर्यान, जानो भी दो यारों आरो क्लिक बायदि सावथुनफोराव नुजाथिदोंमोन। नाथाय एश्वर्या राय बायदि लाक खालामनो हायाखै। गावनि गासै के रियारआव स्नेहाआ मोन 19 सावथुनफोर आरो वेब सिरिजआव बाहागो लादों। नाथाय बिथानि खाफालआ गोजों जायाखै।□

## 'ने झा 2' सावथुना रेकर्ड सिफायनो हानाय रां आरजिदोंमोन

सोलिफु बोसोराव हलिउडनिक्राय माखासे समाइना सावथुनफोरा नुजाथिदों आरो गोबां नुजाथिबावगोन। बे बोसोराव जाय सावथुनफोरा नुजाथिदों, बेयाव माखासे गिदिर स्टारफोर आरो बेनारआबो दंफायोमोन, जेरै- सुपारमेन, मिशन इम्पसिबल, फास्ट एन्ड फिउरियास आरो एफ 1। बेफोर गासै सावथुनफोरा जाफुंसार जादों। बे सावथुनफोरा बक्स अफिसआव मोजां रां आरजिदोंमोन, दान मोनथाम सिगां नुजाथिनाय मोनसे सावथुनबो दडमोन, जाय

बेफोरखौ गासिबो सोलाय होदों। जर'खा बाश्त्राया बेनोदि, बे सावथुना हलिउड सावथुन नडमोन। जों सावरायगासिनो दं, चाइनिज एनिमेटेड फिल्म 'ने झा 2' नि बाश्त्रा। बे सावथुना मोनसे एनिमेटेड सावथुनमोन, अब्लाबो बेयो गिदिर गिदिर सावथुनफोरनि रेकर्ड'खौ सिफायदों। बिथोनगिरि जियाअजीनि बे सावथुना रेकर्ड सिफायनो हानाय रां आरजिदों। सावथुनखौ 80 मिलियन डलारनि बाजेटआव बानायनाय जादोंमोन। बेखौ बानायनायाव गासै 800 कौटि रां खरसा जादोंमोन। सावथुना वर्ल्डवाइड गासै 2 बिलियन डलार आरजिदों। जुदि रांआव



फोरमायोब्ला, 1800 रां आरजिनानै रेकर्ड बानायदोंमोन, जाय हलिउडनि देरसिन सावथुनफोरखौबो फेजेन्दोंमोन। ने झा 2 सावथुना एनिमेशनार दासिमनि बयनिखुइ बांसिन रां

आरजिनो हानाय इनसाइ आउथ 2 सावथुनखौबो उनाव लाखिदों। बे सावथुना स्टार वार्स, यइयानिक आरो आभतार सावथुनखौबो उनाव लाखिदोंमोन। सावथुना

भारतआव एप्रिल दानाव रिलिज जादोंमोन। ने झा 2 सावथुना 2021 आव नुजाथिनाय सावथुन ने झानि सिक्वेल्। सावथुनाव चाइनिज फल्कलारखौ गोबां बानायनाय जादों।□

## आसामनि सावथुन बानायगिरि हस्र्याजित कुमार गयारिआ एशियाइ फिल्म एकाडेमिनि थाखाय सायख' जादों

हस्र्याजित कु मार गयारिआ आसामनि मोनसे फिसा सहरनि जाखांफुनाय सावथुन बानायगिरि। बिथांखौ मुं दांखा एशियान फिल्म एकाडेमि (एएफए) नि 24 एशियाइ फेल'फोरनि गेजेराव सासे महरै सायख'नाय जादों, जाय बुसन हारिमायारि सावथुन फोर्बो (बिआइएफएफ) नि गेजेरजों खुंफुंनाय मोनसे गिदिर सावथुन बानायनाय हाबाफारि। एकाडेमिनि थांखिया जाखांफुनाय सावथुन बानायगिरिफोरखौ जौगाखां होनाय। हस्र्याजितआ भारतनि जानानै सानै गुबुन बाहागो



लागिरिफोरजों लोगोसे बिएएफए, बुसनजों हेफाजाब होजानाय मोनसे गोखों 20 साननि सावथुन बानायनाय हाबाफारियाव बाहागो लागोन। बे हाबाफारिनि समाव बिथाड साउन्ड बिफाननि थाखाय मोनब्रै सुंद' सावथुन

दिहुनगोन। सावथुन आरो टेलिभिजन फसंथान, पुणे (एफटिआइआइ) जों साउन्ड रेकर्डि आरो डिजाइनआव जर'खागिरिफोरजों लोगोसे हस्र्याजितआ सिं गापुरनि नानजिअं टेक्न'लजि मुलुग सोलोंसालिनिक्राय इन्डिया

कानेक्ट रिसार्च फेलशिपखौ मोन्नो हादों। सासे साउन्ड डिजाइनार आरो रि-रिकर्डि गलाय-गथायनि महाराव खामानि मावनायनि अनगायै हस्र्याजितआ ओन्सोलाव उदां सावथुनफोरखौ दिहुन्दों आरो दिथाबो होदों। आदिवासि फोलेरनि थाखाय सासे उकिल महरै बिथाडा कला आरो हारिमुनि सोलायनाय गोहोनि सायाव गोथौ फोथायनाय दड, जाय सावथुननि गेजेरजों समाजआरि सोलायनाय आरो सावथुननि गेजेरजों सा-सान्जा भारतआव थागिबि सुबु'फोरनि गोबां रोखोमखौ दिन्थिदों।□

## मुंदांका फावखुंगुर गभिन्दानि बिसि सुनिता आहुजानि गोजाम भिडिअआ भाइरेल जागासिनो दं



थानाय माखासे सम सिगां खौरं फैदोंमोनदि, गभिन्दा आरो बिथानि बिसिनि गेजेशव सोमोन्दोआ गाज्रि यै सोलिगासिनो दडआरो बिथाड बिसि सुनिताजों दिभर्स लासिगोन। बबेखानि उनाव सुनिताआ गावनि फिन्नायजों साफ्रोमनि खुगाखौ बन्द'

खालामदों। बिथाड बुडोदि, गाव आरो गभिन्दाखौ रवबो आलादा खालामनो हाया। थानाय सानाव बिथाड इउटुबाव डेब्यु खालामदों आरो ब्लग बानायनो जागायदों। बबेखानि फिन खनसेबाव माखासे बिब्दिनो खौराडा फै गासिनो दं, जाय अन्सायगिरिफोर आरो

एन्टरटेनमेन्ट मुलुग मोनैखौबो गोमोहोदों। मिबथिनो मोन्नाय बायदिब्ला, बलिउडनि मुंदांखा फावखुंगुर गभिन्दानि सिबि सुनिता आहुजाआ बान्द्रा फेमिलि कर्टआव दिभर्सनि थिसनलाइ गथायदों। बे खौराड मोनसे भिडिअ ब्लगआव दुखु जानायनि माखासे सम उनावनो

सोराडव फैजों, जेराव बिथाड गावनि जुलिखौ लानानै लाश्त्रियै नंखाय बाश्त्रा फोसावबोबाय थानायनि सायाव बाश्त्रा सावरायदोंमोन। सुनिताआ थगायनाय आरो अनागारि खालामदों होन्नानै फेब्रुवारि 2025 आव दिभर्सनि थाखाय थिसनलाइ गथायदोंमोन। बबेखानि बेफोर बाश्त्राया बेसेबां सैथो बेखौ जों मिबथिया नाथाय बेनि गेजेराव सुनितानि मोनसे गोजाम भिडिअआ भाइरेल जागासिनो दड जेराव सुनिताआ बुंदोंमोनदि, गभिन्दाआ सासे मोजां फिसाय नड। भाइरेल क्लिपआव सुनिताआ बुंदों, गभिन्दाआ जोबोद मोजां फिसाज्जा नड आरो जोबोद मोजां फंबायबो नड। नाथाय सासे फिसाय हिसाबै ओनो जेबायदि नांगौ बिब्दि नड।□

# सैफ आन्डार- 17 चेम्पियनशिपआव भारतआ लान्थ्रियै मोननै मेच देरहानो हादों

**गोदान दिल्ली, 23 आगस्ट:** भारतनि आन्डार-17 नि आइजोफोरनि हान्जाया मोनसे सिरि आरो गोखों दिन्थिफुंनानै सैफ आन्डार-17 आइजो चेम्पियनशिप 2025 आव फारियै नैथि देरहानायखौ रोखा खालामदों। जाय शुक्रबारआव चालिमिथां स्टेडियामआव बांलादेशखौ 2-0 जों फेजेन्नो हायो। भारतनि जानानै पर्ल फर्नाडिस (14 मिनट) आरो बनिफिलिया शुल्लइआ (76 मिनट)आव गल सोदों, जाय हाफटाइमसिम 1-0 जों आवगायनायाव हान्जाखौ मदत होदों। बे देरहानाया हान्जानि गोजौसिनाव भारतनि थाथायखौबो गोखों



खालामदों। बिसोरहा दा मोननै मेचआव मोननै देरहानायजों द' पइन्ट आरजिनो हाबाय। मोननै बो हान्जाया बादायलायनायाव मोनसे गोखों जारिमिनजों मेचआव ओंखारदोंमोन। बिथांमोनहा

मोनफ्रोमबो मोनब्रै फाइनाल गेलेदोंमोन आरो मोननै बिमुं दे र हा दों मोन। जिखिजायामानो, आसा खालामसेयावबो बे सोग्रावलायनाया मोनसे गिख्थाव बेरेखा महर्

मिजिंथिनायखौ आबु खालामाखैमोन। भारतनि आबुथिगोनां गेलेनाया बांलादेशखौ ओरैबायदि थासारियाव लाखिदोंमोन जेराव बिसोरो जेब्लाबो हमनो नाजागासिनो दंमोन।

## एलाआ आइजोफोरनि एयार राइफल बादायलायनायाव सनानि मेडेल देरहानो हादों

**शिमकेन्ट, 23 आगस्ट:** खेबनै अलिम्पिक गेलेगिरि जाफुंसार इलाभेनिल भालारिभाना काजाकिस्ताननि शिमकेन्टआव शिमकेन्ट शुटिं प्लाजायाव आइजोफोरनि 10 मिटार एयार राइफल बादायलायनायाव सनानि मेडेल मोन्नो हादों, जाय 24 शटनि फाइनालआव चीननि 16 बोसोर बैसोनि पेंग शिनलुखौ फेजेनदों। राइफल, पिस्टल आरो शटगाननि थाखाय 16थि एशियान शुटिं चेम्पियनशिपनि बाथि सानआव एलाआ 253.6 स्कर मोननो हादोंमोन। मोनसे गोहोम गोनां दिन्थिफुंनयाव मोनसे गोदान एशियान फाइनाल रेकर्ड बानायदोंमोन, जेराव चीननि बादायगिरिया 0.6 पइन्ट उनाव थादों। करियानि क्वान युनजीआ ब्रन्जनि मेडेल मोननो हादों।



एशियान चेम्पियनशिपआव बे बादायलायनायाव बेयो भारतनि नैथि हारसिनि सनानि बान्थामोन, जाय सिगाडव 2019 माइथाइयाव चीननि तायुआनआव देरहादों। टीमनि लोगो मेहुली घोषआ 208.9 स्करजों ब्रैथि थावनियाव थानानै पडियामनिफ्राय खम जायो। एलाआ मोनबा सिंगेल शटनि गिबि फारिनि उनाव ब्रैथि थावनियाव दंमोन आरो फिन नैथि फारिनि उनाव ब्रैथि खेबनि

थाखाय टाइआव थादों। उननि 14 सिंगेल शटफोराव बिथांजोआ 10.5 नि बाडइ स्कर खालामाखैमोन, जेराव बिथांजोनि 13थि शटआ आबुं 10.9 मोन। क्वान आरो पेंगआ गाहाइ होसोग्राफोरमोन जेराव एलाआ सिगां लादोंमोन। नाथाय करियाआ गावनि गाग्लोबनायाव गिबिसिन थैदोंमोन, गावनि 22 थि नाजानायाव 9.9 स्कर खालामदोंमोन, जाय बिथांनि

साबसिन रेंकिनि खाबुखौ फोजोबदोंमोन। चीननि लाइमोनआ जोबनायसिम दिदोमै थादोंमोन, 10.8 स्करजों जोबदोंमोन, नाथाय एलाआबो 10.6 आरो 10.7 स्करजों गोखों फोजोबदोंमोन, गावनि आवगायनायखौ गोजोनै लाखिदोंमोन। बनि सिगाडव, एला आरो मेहुली सानैबो 630.7 आरो 630.3 स्करजों फाइनालनि थाखाय क्वालिफाइ जायो, फारियै स्तिथि आरो दाइनथि क्वालिफाई मासि मोननो हायो। बिथांमोनहा अनन्या नायडु (630.0) जों लोगो जानानै 1891 नि गासै स्करजों हान्जानि ब्रन्ज मेडेल देरहानो हादोंमोन। चीनआ सनानि मेडेल देरहादोंमोन जेराव करियाआ रुपानि मेडेल देरहादों।

## आसामनि बेटकुचि स्कुलआ श्रीलंका स्कुलखौ फेजेन्ना सुब्रत कापनि क्वार्टर फाइनलआव



### गुवाहाटी, 23 आगस्ट: फुटबल हान्जाआ शुक्रबार आसामनि बेटकुचि स्कुल खालि दिल्लीआव खुंजानाय आं खालि बै गेलेगिरिफोरखौल' लुबैयो जाय जोंनि क्लाबआव हाबनो गोसो दं: फ्रेनक अन एजे

**लन्डन, 23 आगस्ट:** टटेनहाम हटस्परनि गाहाइ कच थमास फ्रेनकआ बुंदों दि, जुदि बै गेलेगिरिया बैयाव थानो लुबैयाब्ला बिथाड रावबो गेलेगिरिखौ क्लाबआव थानो लुबैया। फ्रेनकनि बिबुंथिफोरा बै फोरमायथिफोरनिफ्राय फैदों, जाय इंगित होयो दि, सा-लन्डननि आर्सेनलआ क्रिस्टल पेलेसनिफ्राय एबेरेची एजेखौ सागान होनो थाखाय टटेनहामनि नाजानायखौ आखाय होदों आरो लागासिनो दं। बेखौ फोरमायनाय जायो दि, क्लाबआ पेलेसजों मोनसे गोरोबथायाव सौहैदोंमोन आरो एजेआ गनसआव हाबनो थिरांथा लानायनि सिगां स्पर्सजों गावारि रादायफोरखौबो गनायथि होदोंमोन। आं गावआरि गेलेगिरिफोरनि बादै रायज्लाया, जेब्लासिम बिसोरो जोंनि गोमोथाव क्लाबनि बाहागो नड। फ्रेनकआ मेचनि सिगांनि जथुम्मायाव बुंदोंदि, गोबां नंखाय रादाबफोर गोसारदों आरो गोबां समावनो बिसोरनि थाखाय जेबो गैया। बेयो फालागिनि मोनसे बाहागोल'। गोबां सोमोन्दो थागोन नाथाय जोबोद रोखा बुनो थाडोब्ला, आं जायखिजाया गेलेगिरिफोरखौ लुबैया जाय क्लाबआव हाबनो गोसो गैया। जुदि बिसोरो बे समायना बेजखौ गाननो लुबैया, अब्ला जों बिसोरखौ बेवहाय लुबैया। गोदानै जौगाहोजानाय बार्नलीनि हेंथायै 3-0 जों देरहानानै प्रीमियर लीग सिजननि मोनसे गोखों जागायजेन्नायनि उनाव टटेनहामआ दा पेप गार्डियलानि मेनचेस्टर सिटीनि हेंथायै एतिहाद स्टेडियमआव मोनसे मेचनि थाखाय थियारि खालामगासिनो। बिथानि हान्जानि थाखाय सिगाडव मोनसे मख'जाथाव जुजिलायनाय दंब्लाबो, फ्रेनकआ रोखा दि, बिसोरो दिनै बेलासियाव मोनसे मोजां फिथाय मोननो हागोन। आं फोथाया दि, उनसंनो थाखाय मोनसे थि



खात्थि एबा नोजोरथि दं। जों साहसजों जुजिनायखौ मोगा-मोगि जानांगोन। सिगांनि मोननै खोन्दोखौ मोजाडै सामलायनाया गोनांथार। आनि सान्नाय बायदिब्ला, बे हान्जाया थांनय ब्रै एबा बा बोसोरनिफ्राय मुलुगनां थाखोआव गोजौसिन हान्जाफोरनि गेजेराव दं। बिसोरो जेनाफोरनिफ्राय बारग'नो गोसो गुदुं जागोन। साहस गोनां आरो गाग्लोबज्रा जानाया मोननै गोनांथार सानदांथि। बिसोरो बिमुनि थाखाय साबसिन साथाम बादायगिरिफोरनि गेजेराव सासे। सासे गिदिर सामलायगिरिजों लोगोसे मोनसे गिदिर हान्जा। मोनसे मोजां फिथाय मोननो हानाय, गुबैयै मोनसे देरहानाय, गोखैथि मोननो थाखाय जोबोद मोजां जागोन। जोंहा मोनसे फिथाय मोननो हानाय जोंनि गोहोनि सायाव फोथायनाय दं; जों साहस गोनां जागोन अब्लाबो सिटीनि फारसे सन्मान दिन्थिगोन। आं मोनफ्रोमबो गेलेमुखौ गुबुन-गुबुन रोखोमै नायो। गाबोन मा खालामनांगौ आं थिरांथा लागोन। बिथाड बुंवावदों, आं जेब्लाबो सानोदि जों माबोरै खात्थिखौ सोलायनो हायो, नाथाय बोसोन खात्थिफोरा सोलाय-सोल' जायखै।

## आलेक्जेन्ड्रभाआ सोलिफु चेम्पियन नस्क'भाखौ फेजेन्नानै मन्टेरि अपेन सेमिफाइनलआव सौहैबाय

**मन्टेरि, 23 आगस्ट:** रासियानि नैथि मासि मोन्नाय एकातेरिना आलेक्जेन्ड्रभाआ बृहस्पतिबारआव मन्टेरि अपेनआव सोलिफु चेम्पियन लिन्डा नस्क'भाखौ 7-6(5), 4-6, 6-2 स्करलाइनजों फेजेन्नानै इउ.एस. अपेन वार्म-आप टुर्नामेन्टनि सेमिफाइनलआव गावनि जायगा आवग्रिनो हायो। मुलुगनि 14थि थाखोआव थानाय आलेक्जेन्ड्रभाआ मोननै खाथि जुजिलायनाय सेटनि उनाव जोबथा सेटखौ गोखोडैजागायदोंमोन। अब्लाबो चेक गेलेगिरि नस्क'भाआ मेचखौ 2-2 जों समान-समान खालामनो फैफिनदोंमोन। रासियानि गेलेगिरिया फिन खेबसेबाव सामलायनो हादोंमोन, डब्लिउ.टि.ए. 500 बादायलायनायाव नै घन्टानि बांसिन समनि गेजेरावनो गावनि देरहानायखौ रोखा खालामदोंमोन। आं थारैनो गोजोन्नाय मोनदों दि, आं बेखौ मोनथाम सेटआवबो बानायनो हादोंमोन, मानोना दिनै बेयो गोब्राबमोन- बिथाड जोबोद मोजाडै सिबिथाय होदों आरो बिथाड बेसलाइननिफ्राय ओरैबादि गोब्राबै बुदोंदि, माब्लाबा-माब्लाबा आं जेबो खालामनो हायाखैमोन होन्नानै आलेक्जेन्ड्रभाआ फोरमायबावो। आलेक्जेन्ड्रभानि उनाव चेक मेरी बुजक'भाआ दं, जाय क्रएशियानि एन्टनिया रुजिकनि हेंथायै 6-3, 6-2 जों गोरलैयै देरहानो हादों। रासियानि डायना श्नाइडरआबो मोनसे सेट डाउननिफ्राय फैफिन्नायनि उनाव सेमिफाइनलआव सौहैदों आरो बेल्जियामनि बाथि सीडजों थाम घन्टानि मेचआव 3-6, 7-6 (6), 7-6 (4) जों



देरहानानै एलिस मर्टेन्सनि हेंथायै मोनबा मेच पइन्टफोरखौ रैखा खालामदों। थामथि सीडआ फोरमायो, आं दिनै देरहानो हानानै जोबोद खुसि, गोजोननाय आरो गोगगानाय मोनदों। आं फोथायो दि, टेनिसनि थाखोआ दिनै सोमोनांथावमोन। मुलुगनि 22थि मासियाव थानाय श्नाइडरआ फैगौ समाव एलिसिया पार्कनि हेंथायै गेलेगोन, जेब्ला आमेरिकाया स्लभाक रेबेका स्नामक'भाखौ 6-2, 7-5 स्करजों फेजेनदोंमोन। श्नाइडरहा पार्कनि हेंथायै 2-1 नि रेकर्ड दं, जेराव बे बोसोरनि जागायजेन्नायाव इन्डियान वेल्सआव थोंजोडैसेटआव देरहानाय दं। आं बिथानि हेंथायै गोबां खेब बादायलायदोंमोन- बियो सासे मोजां गेलेगिरि। आं गावखौ गोसो होनो आरो आनि बेरेखाफोरनि बादै जिंगा दासिनो गोसोखांहोयो।

## एनगिडी आरो ब्रेटजकेआ हान्जाराखौ अस्ट्रेलियानि हेंथायै 5थि अडिआइ सिरिज देरहानायाव मदत होदों



**स्पर्टस डेस्क, 23 आगस्ट:** खोला आफ्रिकाआ शुक्रबारआव नैथि अडिआइआव ग्रेट बेरियर रीफ एरेनायाव अस्ट्रेलियाखौ 84 रानजों फेजेन्नानै आरोबाव मोनसे गोखों दिन्थिफुंदों। मेथ्यु ब्रेटजके (88) आरो ट्रिस्टियान स्टब्स् (74) आ प्रतियासखौ 49.1 अभारआव 10 उडकेट खोमानानै गासै 277 रान बानायदों। जायनि उनाव लुंगी एनगिडीआ 42 रानआव 5 उडकेट लाना नख'गरि हानजाखौ 37.4 अभारआव 193 रानआव आउट खालामदों। बे देरहानायजों खोला आफ्रिकाया

सिरिजनि गिबि मेचआव अडिआइ जागायजेन्नाय डेवाल्ड ब्रेभिस (1) आ फिन खेबसेबाव गोहोम खोखैन्नो हायाखैमोन आरो एलिस जों आउट जादोंमोन। गोजौ थाखोनि बेटसमेन मानांस लाबुशेनआ बलजों गोहोम गोनांमोन, जाय भियान मुल्डर (26) आरो सेनुरान मुथुसामी (4) नि उडकेट लानो हादों। स्टब्स्, जायखौ गावनि गाग्लोबनाय स्टाइलनि थाखाय सिनायथि होनाय जायो, स्ट्राइकखौ गिदिनायाव गोसो

हादोंमोन आरो 85.05 नि स्ट्राइक रेट मोननो हादोंमोन, गावनि 87 बलनि इनिंसनि समाव खालि मोनथाम बाउन्ड्री आरो मोनसे सिक्स बानायदोंमोन, जायखौ जेम्पाआ फोजोबदोंमोन। के शब महाराजआ (22\*) नाट आउट थादोंमोन, फारसेथि नन्दरे बागार (8) आरो एनगिडी (1) खौ फारियै जेम्पा आरो जस हेजलवुडआ आउट खालामदों। 278 राननि टगरोटखौ होसोनायाव अस्ट्रेलियाया मोनसे गिबिसिन हेंथानि मोगा-मोगि जानादोंमोन मानोना बेखेवगिरि ट्रेभिस हेड (6) आरो लाबुशेन (1) फारियै बागार आरो एनगिडीजों फारियै आउट जादों। मिचेल मार्शआबो (18) पावरप्लेनि जोबथा अभारआव आउट जायो, जाय मुल्डरनो गावनि उडकेट होयो। केमरुन ग्रीन (35) आरो जश स्ट्राइकखौ गिदिनायाव गोसो ईलिसआ (87) फैफिन्नो

NERIM GROUP OF INSTITUTIONS

Your Academic Home

Affiliated to Dibrugarh University, Gauhati University & ASTU

Approved by BCI, NCTE, AICTE, MoE, Govt. of India

ADMISSION NOTIFICATION : 2025-26

M.Com

(2-yr Full Time)

(Regular & Distance Mode)

73996 04241 (Distance Mode only)

Admissions open for the following Under Graduate and Post Graduate programmes for the Academic Session 2025-26.

MBA

LL.B (H)

BBA

MSW

BALLB (H)

MCA

MA

App. Psychology

Other Courses available:

BCA

BA

BSW

M.Sc.

(Computer Sci.)

B.Com (H)

MA (Education)

(Regular & Distance Mode)

B.Ed

(Regular Mode)

9954887667 / 9435195989 / 8436445415

Special Feature....

Assured Placement Assistance • Complimentary Laptops to MBA, MCA & PGDM students • All Classrooms are Air Conditioned • Smart Classrooms and Computing Labs • Free Corporate Suit and Course Pack to all the students • Enriched Library with e-Library facilities • Complimentary Diploma in Computer Applications (DCA) • Educational Loan Assistance • Wi-Fi enabled campus • Hostel facility for Girls (in campus) & Boys • Health care arrangements and Accidental Medical Assistance.

Achievements & Awards...

# Recipient of CSR Top Institute of India Award for consecutive years.

# Recipient of Times Best B-School Award.

# Recipient of ABP News Outstanding Institute in East National Education Award 2019.

# Recipient of Asia's Education Award 2019 by International Brand Consulting Corporation, USA.

# Excellence in Campus Placement in Assam by News18 Assam.

For Working Professionals.

MBA (Part Time) 3 Years

Any Graduate with minimum 2 years of Working Experience Or Self Employed.

PGDM (Approved by AICTE)

50% in Graduation Or with MAT Score.

(N.B.: Online classes is also available for MBA Part Time & PGDM)

Prof. (Dr) Sangeeta Tripathi, Director, NERIM Group of Institutions

Padma Nath Sarmah Bhawan, Jayanagar, Khanapara, Guwahati -781022

Call : 9954190758 / 9954051419

www.nerimindia.in

nerimindia@gmail.com

Owned, printed and published by Garkhwdao Basumatary from Maibong Nwgwr, J.D. Road, Kokrajhar, W/No. 5, P.O. & Dist. Kokrajhar, B.T.C, Assam; Printed at BODOSA PRESS, Gwjwnpuri, P.O. & Dist. Kokrajhar, B.T.C, Assam; Phone & Fax No : 03661-276785; E-mail: bodosa@gmail.com, bodosa\_daily@yahoo.co.in; Editor : Baburam Basumatary, Executive Editor : Mwgthang Basumatary

CYMK

CYMK